

Općina Stari Grad Sarajevo,
N/r gosp. Ibrahim Hadžibajrić, načelnik

Ministarstvo finansija Kantona Sarajevo,
N/r gosp. Jasmin Halebić, ministar

Ministarstvo kulture i sporta Kantona Sarajevo,
N/r gosp. Mirvad Kurić, ministar

Ministarstvo za obrazovanje, nauku i mlade Kantona Sarajevo,
N/r gosp. Elvir Kazazović, ministar

Predmet: Inicijativa za pružanje podrške "Muzeju zločina protiv čovječnosti i genocida 1992 – 1995"

Poštovani,

U organizaciji "Centra za post-konfliktnu pravdu" u Sarajevu je na adresi Ferhadija 17. otvorena stalna postavka "Muzeja zločina protiv čovječnosti i genocida 1992 – 1995".

Muzejska postavka obuhvata arhivsku građu, izložbu i podatke Haškog tribunala, slikovite prikaze, replike i simulacije koje prikazuju dešavanja tokom rata u Bosni i Hercegovini.

Pošto se radi o muzejskoj postavci koja je od velikog značaja za očuvanje kulture sjećanja na agresiju kojoj je bila izložena naša država, obraćam se sljedećim institucijama da svaka u okviru svoje nadležnosti pruži potporu ovom muzeju.

Obraćam se Općini Stari Grad Sarajevo da razmotri mogućnost za davanje saglasnosti za postavljanje natpisa na zgradi u kojoj se nalazi muzej, pošto se isti nalazi u unutrašnosti objekta na spratu, pa mnogi pojedinci i grupe koji bi bili eventualno zainteresirani da posjete muzej ni ne znaju da se on tu nalazi.

Molim Ministarstvo finansija Kantona Sarajevo da u skladu sa mogućnostima razmotri određenu vrstu finansijske potpore ovoj instituciji, jer samo troškovi mjesečnog zakupa prostorija u kojima se nalazi muzej iznose 2586,50 KM.

Molim Ministarstvo kulture i sporta Kantona Sarajevo da u sklopu svojih nadležnosti očuvanja muzejskih vrijednosti pruži adekvatnu pomoć ovom muzeju.

Molim Ministarstvo za obrazovanje, nauku i mlade Kantona Sarajevo da preporuči obrazovnim institucijama na Kantonu Sarajevo da organizuju posjete ovom muzeju, kako bi se naša mlada populacija na direktan način upoznala sa dešavanjima u proteklom ratu.

Na kraju bih pozvala sve naše građanke i građane da posjete ovu instituciju i na taj način doprinesu očuvanju kulture sjećanja na tragična dešavanja tokom proteklog rata u BiH.

S poštovanjem,

Predsjedateljica Skupštine Kantona Sarajevo
prof. Ana Babić